

春秋左氏傳地名補注

春秋左氏傳地名補注卷第三

吳 沈欽韓 文起

僖公

年經于聶北 一統志聶城在大名府清豐縣東北方輿

紀要在縣北十里志以爲次于聶北救邢卽此城也

于夷儀 元和志故邢國今邢州城內西南隅小城是也

夷儀故城今龍岡縣界夷儀故城是也在縣西一百四十

里愚按邢之遷以遼狄難也今其所遷仍在順德府邢臺

縣境未遠于狄豈便爲安此夷儀實近齊衛之郊一統志

夷儀城聊城縣西南十二里

于櫟 水經注潞水自陳城西北而東流謂之谷水東逕潞城北王隱曰潞北有谷水是也潞卽櫟矣杜預謂在陳縣西非也櫟小城在陳郡西南方輿紀要潞城蓋在陳州西北

傳虛丘之戍將歸者也 服云虛丘魯邑魯有亂邾使兵

戍虛丘魯與邾無怨因兵將還要而敗之所以惡僖公也按此與杜預同爲意度然服是從先師得之杜則有心立異學者可以定其從舍矣彙纂以假與虛丘在費縣內亦

無可攷

汶陽之田 方輿紀要汶水出泰安州府今為萊蕪縣東北

七十二里原山之南水經所謂北汶也運河記汶水自泰

安州經甯陽汶上縣界又西去東平州注濟水此故道也

水道提綱汶水篇自甯陽西流至東平州東六十里之戴村又西經州城南至安山湖合濟水自明永樂九年尙書

宋禮用白莢策以南旺湖當水脊于戴村按應劭云水北築堤過其入濟遂西南流八十里至南旺

為陽水南為陰蓋在今兗州府甯陽縣北漢置汶陽縣在

曲阜縣東北四十里非此汶陽也

及費 一統志費縣故城在沂州府費縣西北二十里

二經滅下陽 元和志下陽城在陝州平陸縣東北二十

里今屬山西解州

盟于賁 水經注汧水又東逕賁城南俗謂之薄城非也

闕駟十三州志以爲賁城在蒙縣西北杜云賁賁字相似

賁在齊謂賁澤也非此矣一統志蒙澤故城在曹州府曹

縣南十里卽古賁地括地志賁城今名蒙澤城與今歸德

府商巨縣接界

傳屈產 卽北屈縣今之吉州寔字記古稱此邑有駿馬

方輿紀要屈產泉在汾州府石樓縣東南四里水經注

泉出在京城東南道左山下牧馬川上多產名駒亦名屈
產泉

假道于虞 一統志吳山在解州安邑縣東南三十二里
跨夏縣平陸縣界一名虞山一名虞阪晉假道于虞卽此
路紀要云中條山之支阜也

冀 元呂思誠圖經冀亭遺址在蒲州河津縣北十五里
顛嶺 水經注大陽縣傅巖東北十餘里卽顛嶺阪也有
東西絕澗左右幽空窮深地壑中則築以成道指南北之
路謂之爲嶺橋也大陽城北對長坂二十許里謂之虞坂

戴延之曰自上及下七山相重元和志顛軫阪在陝州平陸縣東北七十里穆天子傳天子南登于薄山靈軫之陞鄭寰宇記鄭城在陝州平陸縣東北二十里紀要其城周四里亦謂之郛塞

三門 元和志底柱山俗名三門山河出其間有似于門故亦謂之三門紀要云在解州平陸縣東南五十里

桑田 方輿紀要稠桑驛在陝州閿鄉縣東三十里號公敗戎于桑田卽稠桑

陽穀 一統志陽穀故城在兗州府陽穀縣東北三十里

四經次于陘 楚世家作陘山括地志山在鄭州西南一
百十里方輿紀要陘山在開封府新鄭縣南三十里蘇秦
說楚曰北有陘塞史記魏襄王十六年伐楚敗之陘山又
秦攻陘使人馳南陽之地徐廣曰陘山絕之名今自陘山
而西南達於襄鄧皆羣山綿亘故昔以陘山爲南北之險
塞按陘山延袤甚廣注家注陘者不一徐廣謂密縣有陘
山杜預謂召陵之陘亭或謂在許州鄆城縣南皆與傳文
進次于陘不合韓策秦攻陘韓因割南陽之地是陘已近
南陽當在今汝州南

召陵 一統志召陵故城在許州府鄆城縣東三十五里
傳西至于河 此東伯所至之界蓋自河陽而止
南至于穆陵 元和志穆陵山在沂州沂水縣北百九十
里然此言征五侯九伯所至不應近在封域黃州麻城縣
有穆陵關在州北二百里在縣西北一百里一統志木陵
山在黃州府麻城縣西北九十里山上有木陵關木唐書
作穆鄂岳觀察使李道古討蔡州吳元濟引兵出穆陵關
是也太公所履當在此復西南則陝右所主猶唐以襄漢
爲山南道矣于欽齊乘以益都臨朐縣東南一百里大峴

山爲穆陵關非也

北至于無棣 通典滄州鹽山縣春秋時無棣邑水經注
清河又東北無棣清出焉東逕南皮縣故城南逕樂陵郡
西東北逕鹽山入海蓋四履之所也京相璠曰舊說無棣
在遼西孤竹縣然管仲以責楚無棣在此方之爲近按陝
東之伯盡主東北境諸侯非謂齊分封之地也在遼西者
得之今永平府

方城以爲城 元和志方城山在唐州方城縣東北五十
里方城縣今南陽府裕州治此言因山爲城水經注作萬

城非也方與万相似而誤

五經子首止 一統志首鄉在歸德府睢州東南

滅弦 水經注巴水南流注于江謂之巴口又東逕軹縣

故城南故弦國也方輿紀要軹縣城在黃州府蘄水縣西北四十里故弦子國弦城在光州西南

傳道柏 杜預云道國在汝南安陽縣南按漢志安陽陽

安皆屬汝南郡安陽有江國江亭陽安有道國道亭此當

作陽安元和志道城在蔡州今汝南府碓山縣東北二十里一

統志柏亭在汝甯府西平縣西

虢仲虢叔 賈逵云虢仲封東虢制是也虢叔封西虢

公是也韋昭注鄭語同按隱元年傳明云虢叔死于制則
虢叔爲東虢矣通典虢仲國今陝州平陸縣元和志虢有
三北虢今陝州平陸縣東虢今滎陽縣西虢在今鳳翔扶
風縣方輿紀要上陽城在陝州城東南又虢城在鳳翔府
城南三十五里周文王弟虢仲初封此是爲西虢平王東
遷始徙于上陽爲北虢或曰非也蓋虢仲之采邑支子所
封欽韓按秦本紀武公十一年滅小虢當春秋莊公之世
則虢仲之封本在上陽云隨平王東遷者非也元和志鳳

翔府號縣周文王弟號叔所封是曰西號然號叔封在滎陽爲鄭所滅雍地之號非號叔也謂支子所封者當是

年六經圍新城 水經注密縣故城春秋謂之新城方輿紀

要密城在開封府禹州密縣東南三十里卽春秋之新城

傳于武城 一統志武城在南陽府北一名武延城元統

志武延城在南陽縣北百里

年七經甯母 一統志泥母亭在兗州府魚臺縣東二十里

年八傳于采桑 水經注河水逕北屈縣故城南又南爲采

桑津里克收狄于采桑是也寰宇記古北鄉城在蒲州寶

鼎縣北三十一步汾陰北鄉城卽采桑津也按此說非也

一統志采桑津在吉州鄉甯縣西

年九經葵丘水經注黃溝自城南東逕葵丘下元和志在

曹州考城縣東南一百五十步考城今屬衛輝府考城縣志葵丘

東南有盟臺其地名盟臺鄉按葵丘有四水經注春秋古

地名云葵丘今鄴西三臺是也又賈逵云汾陰澤中方丘

卽鄴丘也三臺在彰德府臨漳縣西二十里故鄴城內汾

陰唯丘今蒲州府榮河縣北十里皆非此葵丘也

及高粱水經注汾水又南逕高粱故城西紀年晉出公

十三年智伯瑤城高粱一統志高粱城在平陽府臨汾縣東北

十三經于鹹續志濮陽有鹹城或曰古鹹國一統志鹽

國在大名府開州東南六十里

十四經城緣陵前志注薛瓚以緣陵卽北海之營陵一

統志營陵故城在青州府昌樂縣南紀要云縣東南五十

里

遇于防一統志防山在兗州府曲阜縣東三十里周八

里高三里孔子合葬于防是也鄆縣故城在嶧縣東八十

里

沙鹿崩 方輿紀要沙麓山在大名府東四十五里亦名

女媧丘周穆王女叔姪曾居此

年十五經于牡丘 山東通志牡丘在東昌府聊城縣東北

七十里僖十五年盟于牡丘齊語桓公築牡丘卽此

次于匡 山東通志匡城在兗州府魚臺縣十五里鳳凰

山北兩城相對各周四五里僖公十三年次于匡卽此非

子畏于匡之匡也按杜云在長垣者非也

伐厲 一統志厲鄉在德安府隨州北今名厲山店惠云

厲賴一國公羊僖十五年釋文云厲舊音賴

欽韓

按續志

汝南褒信侯國有賴亭故國今光州殷城縣南賴亭志以爲古賴國者水經注潒水北出大義山南至厲鄉西亦云賴鄉故賴國也卽今隨州之厲山店然酈氏以厲鄉爲烈山氏生處列厲古聲通用厲又轉爲賴耳此厲國當從彪志在光州又歸德府鹿邑縣東亦有賴鄉史記老子傳作厲鄉正義云厲音賴

千婁林 續志下邳國徐縣有樓亭或曰古婁林一統志古婁亭在鳳陽府虹縣東北

戰于韓 元和志同州韓城縣春秋戰于韓原卽此地一
統志韓原在同州韓城縣西南二十里方輿紀要或曰故
韓原當在今河東今山西芮城縣河北故城有韓亭卽秦
晉戰處

傳號畧 水經注號畧在陸渾縣西九十里按號畧當在
陝州治之口不能至陸渾也

解梁城 元和志故解城春秋時解梁城也在蒲州臨晉
縣東南十八里

舍諸靈臺 長安志周豐宮在鄠縣東三十五里西安府

志 鄠宮又東二十五里鄠靈囿之地中有靈臺

瑕呂飴甥 方輿紀要呂城在霍州西三里故呂鄉晉呂

甥邑也杜預云姓瑕呂名飴甥按瑕當爲其采邑晉見有

瑕城呂甥誅後地空使詹嘉處之傳于下皆言呂卻明瑕

非姓

盟于王城 一統志王城在同州朝邑縣東按續志劉昭

注解王城爲大荔戎王之城按秦本紀厲其公十六年塹

河旁以兵二萬伐大荔取其王城此謂得戎王所居之城

自在北地與塹河旁事不相屬而徐廣就班志之誤文釋

王城爲臨晉由是益爲經據方輿家靡不從之殊不知
文之時三見王城秦晉方強大茲何從而擅王城之名乎
以爲王城乃周盛時所築下邑耳

十六年經隕石于宋五 寰宇記隕石水在宋州宋城縣北

一名漆溝古老云此水有時竭涸五石存焉

傳取狐厨 水經注平陽水東逕狐谷亭北狄侵晉取狐

厨者也一統志狐谷亭在平陽府襄陵縣西

及昆都 方輿紀要平陽府南有昆都聚

十七年經伐英氏 一統志古英氏城在六安州英山縣東

北

滅項

寰宇記項國城在陳州項城縣北一里

于卞

一統志卞縣故城在兗州府泗水縣東五十里

傳密姬

周語有密康公韋昭云密今安定陰密縣是也

康公密君姬姓方輿紀要陰密城在平涼府涇州靈臺縣

西五十里志云古密國路史國名紀盟會圖云密周圻內

國宣王滅之蓋今開封府密縣然二國皆已滅未審密姬

所來國

十八年經戰于戲

彙纂云戲地在今濟南府歷城縣界

傳師于紫婁 元和志紫婁城在滑州匡城縣西北十八

里滑縣志在縣西南六十里

命曰新里 一統志新城在同州澄城縣東北二十里梁

新里也

十九年經曹南 一統志曹南山在曹州府曹縣南八里

傳次睢之社 續志注引博物記臨沂縣東界次睢有大

叢社民謂之食人之社卽次睢之社一統志云在沂州府

蘭山縣東北按水經睢水入泗謂之睢口不至沂州也恐

傳說之誤方輿紀要睢水至宿遷縣東南而合于泗水爲今

大河亦曰睢曰亦曰小河口則次睢社當在徐州府境

年二十經郛子來朝水經注黃溝又東北逕郛城十三州

志今城武縣東南有郛城俗謂之北郛者也一統志郛城

故城在曹州府城武縣東南十八里縣志郛有二城此爲

北郛城又南二里曰南郛城

一統志原鹿廢縣在潁州府阜陽縣南

按續志濟陽乘氏縣有鹿城鄉水經注濮水又東北逕鹿

城南春秋僖公二十一年盟于鹿上京杜並謂此亭也然

杜預自指汝陰之原鹿不謂乘氏也方輿紀要鹿城鄉在

曹州曹縣東北

于孟 一統志孟亭在歸德府睢州界

盟于薄 一統志薄縣故城在歸德府商巨縣西北漢志

山陽郡薄縣臣瓚曰湯所都

傳任宿須句顓臾 方輿紀要任城廢縣今濟甯州治春

秋時任國宿見隱元年須城廢縣今東平州治古須句國

地顓臾城在沂州費縣西北八十里東南十里曰南武陽

城

二十經戰于泓 寰宇記泓水在宋州柘城縣西三十五

里金史地理志睢州柘城縣有泓水明一統志云卽渙水
支流也韓非外儲作涿谷傳寫之誤

二十三年經園緡水經注荷水東逕東緡縣故城北宋之緡

也一統志東緡故城在兗州府金鄉縣東北二十三里

傳遂取焦夷城頓一統志譙縣故城今潁州府亳州治

春秋陳焦邑方輿紀要城父城在亳州東北七十里春秋

時陳夷邑水經注潁水東合谷水東北逕南頓縣故城南

左傳所謂頓迫于陳而奔楚自頓南徙故曰南頓今其城

在頓南三十餘里今陳州府商水縣治卽南頓故城

出于五鹿 按元城之五鹿當是沙鹿地誤爲五鹿司馬彪志云五鹿墟故沙鹿水經注于元城縣下但引漢元后事證沙鹿崩而于衛縣下云浮水故瀆東逕五鹿之野晉文公受塊于野人卽此處又引京相璠云今衛縣西北三十里有五鹿城以別元城之沙鹿非此五鹿意甚明曉顧棟高反主在元城者非也方輿紀要五鹿城在大名府開州南三十里

二十一年傳聞令狐 一統志令狐城在蒲州府猗氏縣西十五里

入桑泉 一統志桑泉城在蒲州府臨晉縣東北臨晉縣北桑泉城今亭東村南小蓋原是其處其下爲泉子溝

取曰衰 紀要曰城在解州西北

于廬柳 方輿紀要蒲州猗氏縣北有廬柳城

軍于郇 杜謂解縣西北服云郇國在解縣東郇瑕氏之墟也水經注涑水又西逕郇城京相璠土地名曰桑泉曰衰並在解東南不言解明不至解今解故城東北二十四里有故城在猗氏故城西北鄉俗名之爲郇城服虔之說賢於杜氏矣方輿紀要郇城在蒲州臨晉縣北十五里

以田渭濱

韓非難三作惠寶按赤狄在今潞安府白狄

在今延安府故鄜州境與渭水皆遠惠寶或是也

縣上爲之田

輿地廣記汾州介休縣有縣上山今謂之

介山一統志介山在汾州府介休縣南四十里

管方輿紀要管城廢縣卽鄭州治管仲封于此

毛聘

彙纂毛在河南府宜陽縣界王鳴盛曰毛不詳惟

路史云毛伯國上邽籍水旁有毛泉上邽今甘肅鞏昌府

秦州地

一統志上邽故城在秦州西南六十里

毛泉見水經注並不言卽毛

伯國路史或別有據按水經注籍水又東徑毛泉谷水又

東逕上邽故城南苟可以彷彿古封則酈氏先言之矣羅泌不足據也羅泌又云京兆今有聘亭按史記索隱云封或作邽卽那處今荆門州之那口城也

雍續志河內山陽有雍城一統志雍城在懷慶府河內縣東北

畢原酆元和志畢原卽京兆府咸陽縣所理畢公所封卽此地又畢原在萬年縣西南二十八里方輿紀要畢公高封畢原在咸陽縣北五里又云畢原在涇陽縣南十里原國卽懷慶府濟源縣之原城酆城在西安府鄠縣東五

里按紀年成王十九年王巡狩侯甸方岳正百官黜豐侯

御覽

七百六十二

三禮圖曰豐國名也坐酒亡國名劉薛以戒

酒崖駟酒箴曰豐侯沈酒荷豐負缶自戮于世圖形于後
按其被黜之故以酒荒也

邠已見前按邠州又有枸邑在三水縣東北二十五里

疑邠本國于此

應注襄陽城父縣西南當作襄城父城縣傳寫誤也續

志潁川父城有應鄉晉書地理志武帝分潁川立襄城郡

方輿紀要應城在汝州寶豐縣東三十里古應國

凡蔣方輿紀要凡城在衛輝府輝縣西南二十里周公子凡伯國一統志蔣鄉在光州固始縣東新唐書世系表

周公第三子伯齡封于蔣其地光州仙居縣也

茅胙祭一統志茅鄉城在兗州府金鄉縣西南胙城故城在衛輝府延津縣東北三十五里路史國名紀今管城東北十五里有古祭城方輿紀要祭城在鄭州東北十五里周公第五子所封後并于鄭

召穆公明一統志召亭在鳳翔府岐山縣西八里今名

召公村

於諸姬爲近 鄭爲厲王之子宗姓封國無近于鄭者杜預云道近非也

甘昭公 水經注京相璠曰故甘城在河南城西二十五里北對河南故城謂之鑿落城鑿甘聲近卽王子帶故邑及坎飲 續志注地道記在鞏縣南

處于汜 水經注襄城縣南對汜城京相璠曰周襄王居之故曰襄城一統志汜城在開封府汜水縣南三十五里今名周村汜水在許州府襄城縣北七里亦名七里河

春秋左氏傳地名補注卷第三終

春秋左氏傳地名補注卷第四

吳 沈欽韓 文起

僖公

二十五年傳戰于阪泉之兆 史記正義括地志阪泉今名黃

帝泉在媯州懷戎縣東五十六里至涿鹿東北與涿水合

方輿紀要媯川在延慶州今屬宣化府東十五里志云卽古之

阪泉太平御覽

九十

歸藏曰昔皇帝與蚩尤爭鬪涿鹿之

野將戰筮于巫咸巫咸曰果哉而有咎帝王世紀曰與神

農氏戰于阪泉之野三戰而克之

于隰城 水經注沙溝水又東逕隰城北殺太叔于隰城
是也詳隱十一年

陽樊 一統志陽城在懷慶府濟源縣西南紀要西南十
五里

始啟南陽 水經注引馬融曰晉地是朝歌以北至中山
爲東陽朝歌以南至軹爲南陽一統志南陽城在衛輝府
獲嘉縣北蓋南陽總指河內之地而一城偶襲其號也
伐都 方輿紀要丹水城在南陽府內鄉縣西南百二十
里去丹水二百步本古都國又爲商密地

戊商密 水經注丹水縣有密陽鄉古商密之地春秋之三戶矣紀要三戶城在內鄉縣西南

過析隈入 一統志析縣故城在南陽府內鄉縣西北按玉篇隈水曲也蓋秦人過析從丹水曲過師以避戍兵之路紀要有析隈山在鄧州南七十里蓋俗人附會

二十六年經至鄴 一統志鄴下聚在泰安府東阿縣西南

滅夔 方輿紀要夔子城在歸州東二十里歸州今屬宜昌府名

勝志地名夔沱

二十八年經戰于城濮 方輿紀要臨濮城在東昌府濮州南

七十里或曰卽古城濮也

于踐土一統志王宮城在開封府滎澤縣西北括地志

故王宮在縣西北十五里王宮城中城內東北隅有踐土

臺

傳自河南濟方輿記要棘津在衛輝府胙城縣北今省屬入

延津縣延津河自新鄉縣界流經此亦謂之石濟渠故南

澤也晉還自河南濟卽此津也

盟于斂孟方輿記要斂孟聚在大名府開州東南

于襄牛方輿記要襄邑廢縣今睢州治故宋承匡邑之

襄牛地一統志襄牛城在睢州西一里

登有莘之墟 方輿紀要莘城在開封府陳留縣東北三十五里或曰卽莘墟也又莘城在曹州曹縣北十八里元和志古莘仲國也今爲莘仲集陳留之莘去濮陽遠曹縣之莘墟或近之

于河陽 一統志河陽故城在懷慶府孟縣西三十五里至于衡雍 一統志垣雍城在懷慶府原武縣西北五里卽衡雍也

孟諸之麋

元和志孟諸澤在宋州虞城縣西北十里周

迴五十里俗號盟豬澤紀要今歸德府虞城縣西北有孟諸臺亦故澤地也

盟于宛濮 水經注濮渠之側有漆城亦謂之宛濮亭一統志宛濮亭在大名府長垣縣西南

二十九年經介葛盧來 漢志黔陬縣故介國襄宇記東陬城

在密州諸城縣東北一百十里古介國也一統志黔陬故城在萊州府膠州西南

盟于翟泉 按周是時都于王城漢河南郡之河南縣故得盟于翟泉迨敬王遷成周後卽漢之洛陽狄泉在城中

非可爲會盟之地也水經注晉永嘉元年洛陽東北步廣里地陷有二鵝出蒼色者飛翔冲天白色者止焉陳留孝廉董養曰步廣周之翟泉盟會之地今色蒼胡象矣後五年劉曜王彌入洛陸機洛陽記曰步廣里在洛陽城內宮東是翟泉所在不得于太倉西南也

傳舍于昌衍之上 一統志昌平城在兗州府曲阜縣東南八十里按明一統志昌平山在鄒縣東北五十里方輿紀要山北有昌平鄉與嶧陽縣接界按謂之爲衍則當年昌平山也

三十傳秦軍汜南 水經注苑陵之役水枝津東派爲汜
水左傳秦軍汜南所謂東汜也一統志汜水在新鄭縣東
北今涸

燭之武 水經注消水篇七里溝水又南歷燭城西卽燭之

武邑也當在新鄭縣東南

許君焦瑕 元和志焦城在陝州陝縣東北百步一統志

瑕城在陝州閿鄉縣西

三十經帝丘 一統志濮陽故城本古帝丘在大名府開

州西南二十里

傳分曹地 水經注濟水東北逕定陶縣故城南又東至
乘氏縣西春秋傳僖公三十一年分曹地傳于濟方輿紀
要濟水在曹州府曹縣北三十里

宿于重館 水經注清水東逕重鄉城南一統志在兗州
府魚臺縣西北十一里

晉蒐于清原 水經注汾水西逕清源城北故清陽亭也
晉侯蒐清原處一統志清原城在絳州稷山縣東南峨嵋
嶺在縣南四十里亦曰晉原亦曰清原長五十餘里
相奪于享 紀年仲康七年世子相出居商丘依邳侯元

年戊戌帝卽位居商丘續志注帝王世紀曰顓頊自窮桑徙商丘括地志以爲宋州誤也寰宇記濮州顯瑱遺墟古曰帝丘亦曰商丘方輿紀要舊濮陽城東有商丘蓋帝丘之譌以此傳證之知商丘卽帝丘矣相因衛處其故墟故求食

三十經敗狄于箕

一統志箕城在太原府太谷縣東二

十里寰宇記在遼州榆社縣南三十里杜預云卻缺稱人

者未爲卿劉炫曰按傳晉侯親師先軫死敵則將帥非卻

缺也稱人者晉諱以微人告

欽韓

按稱人不因卻缺劉炫

規之是也然敗狄何所用其諱春秋亦無所用其貶自是
史文略之

原圃具函 元和志圃田澤一名原圃在鄭州中牟縣西

北七里其澤東西五十里南北二十六里

中牟縣今屬開封府

淮南

地形訓秦之陽紆注云在馮翊池陽一名具函郭璞云今

在扶風汧縣西按職方氏雍州澤藪曰弦蒲注弦蒲在汧

鄭司農云弦或爲汧然具函陽紆弦蒲實一澤耳高誘謂

池陽者誤方輿紀要弦蒲藪在鳳翔府隴州西四十里

見冀缺釋 水經注汾水經冀亭南卽卻缺釋處方輿紀

要今蒲州河津縣東十五里有如賓鄉卽其地也

命先茅之縣 方輿紀要茅城在解州平陸縣東南茅津

上

鄆城之下

元和志鄆城在鄭州新鄭縣東北三十二里

夾泚而軍

泚漢志及水經注俱作澠一統志澠水源出

汝州魯山縣西吳大嶺東逕寶豐縣南又東入南陽府葉

縣北又東入許州府襄城縣界入汝水水道提綱沙河卽

古澠水俗曰沙水

文公

元經會晉侯于戚 清豐縣志戚城在縣南三十五里

傳伐綿訾及匡 一統志匡城在陳州府扶溝縣西水經

注今陳留長垣縣南有匡城卽平丘之匡亭也襄邑又有
承匡城匡居陳衛之間往往有異邑矣方輿紀要在開封
府洧川縣東北者此鄭國之匡城也

二經戰于彭衙 一統志彭衙城在耀州白水縣東北縣

志今有彭衙堡在縣東北四十里

于垂隴 水經注垂隴城濟瀆出其北世謂之都尉城蓋

滎陽典農都尉治故變垂隴之名矣一統志在開封府滎

陽縣東北

傳取汪 方輿紀要同州白水縣有汪城一曰汪在澄城縣

三經伐沈

水經注汝水逕平輿縣故城南舊沈國也一

統志平輿故城在汝甯府汝陽縣東南六十里

傳取王官

水經注涑水又西逕王官城北元和志王官

故城在同州澄城縣西北又云王官故城在河中府虞鄉

縣南二里又云在絳州聞喜縣十五里按虞鄉聞喜地相

連水經注云在今聞喜縣秦伯已濟河不當在同州

及郊 史記作鄠正義云鄠音郊括地志南郊故城在澄城縣北十七里又有北郊故城又有西郊故城

茅津濟 元和志大陽故關在陝州陝縣西北卽茅津也
四傳國祁新城 方輿紀要新城在同州澄城縣東北二
十里按祁卽元里也在同州府東北魏世家文侯十六年
伐秦築臨晉元里

同盟滅 續志汝南安陽縣有江亭故國嬴姓方輿紀要
江城在汝甯府真陽縣東南江國也按此則江與秦本是
同姓故秦伯矜之過數同盟猶言宗盟也

五經楚人滅六一統志六縣故城在六安州北

傳反過甯韓詩外傳武王反紂勒兵于甯故曰修武方

輿紀要甯城在懷慶府修武縣東

六傳改菟于董水經注董澤四里南北三里古池也文

六年菟于董卽此澤按續志河東臨汾縣有董亭聞喜縣

有董池陂古董澤卿氏與劉昭誤合爲一杜注汾陰當作

臨汾一統志董亭在蒲州府榮河縣東

使殺諸鄆續志注引博物記曰河東垣縣東九十里有

鄆邵之阨賈季迎公子樂于陳趙孟殺諸鄆邵按殺諸鄆

者賈季所使之人也一統志邵原廢縣在懷慶府濟源縣西百二十里古曰鄆亦曰鄆邵亦曰邵亭府志今爲邵原鎮

七年經遂城部 水經注泗水西逕下縣故城南南有姑蔑城水出二邑之間西逕邵城北山東通志邵城在兗州府泗水縣東北故下城南

盟于扈 水經注河水東北逕卷之扈亭北文七年盟于扈者是也竹書紀年晉出公十二年河絕于扈是也方輿紀要扈亭在開封府原武縣西北

傳至于劓首 一統志劓首水在同州郃陽縣東南按劓當作郃玉篇郃口孤切秦地古文苑後漢衛敬侯碑陰文曰城惟解梁地卽郃首

及鄢陵 此別一鄢陵應在城陽非潁川郡之鴈陵也顧棟高謂今沂州府沂水縣地不知何據

^{年八}經盟于暴 路史暴辛公采地在今懷慶府原武縣境

傳自申至于虎牢之竟 按申與虎牢皆鄭地衛之國于

帝丘在東郡濮陽安得其境至虎牢傳言歸衛地遂并及鄭不言鄭者以申與虎牢易明也服虔謂致之于鄭者是

漢書云申地當在開封府汜水縣界

取武城 史記正義括地志故武城一名武平城在鄭縣

東北十三里華州志武平城在州口十七里

九傳楚子師于狼淵 水經注潁陰城西南狼陂南北二

十里東西十里左傳師于狼淵寰宇記狼溝在許州長社

縣克壺丘水經注汝水又東南逕壺丘城北故陳地一統

志壺丘城在汝甯府新蔡縣東南

十經于厥貉 集纂云當在陳州項城縣

傳取北徵 漢志左馮翊有徵縣元和志同州澄城縣文

十年秦取晉北徵卽此城一統志徵縣故城在澄城縣西南同州志縣西南二十一里

便爲商公 商州志楚商邑今商洛鎮在州東八十五里
潛宮 水經注江陵縣城楚船官地也春秋之潛宮矣紀
要今荊州府治楚之潛宮地

期思公 一統志期思故城在光州固始縣西北築纂云
西北七十里

麋子逃歸 御覽引潁容釋例曰麋在當陽方輿紀要麋
城在安陸府當陽縣東南六十里按尋十一年錫穴之文

當在今鄖陽府界御覽荆楚郡部又引十道志曰鄖鄉縣本漢錫縣古麋國也紀要錫城在鄖陽府西界古麋國地

春秋左氏傳地名補注卷第四終

春秋左氏傳地名補注卷第五

吳 沈欽韓 文起

文公

年十一經于承筐 水經注襄陵縣西三十里有承筐城方

輿紀要在歸德府睢州西三十里

敗狄于鹹 鹹卽桓七年之咸丘山東通志咸丘在曹州

府鉅野縣南境

傳于防渚 元和志房州房陵縣闕駟以爲防陵卽春秋
時防渚州之得名自此方輿紀要房陵城今鄖陽府房縣

治

錫穴 續志漢中郡錫縣地出錫故以名縣釋文又作錫音羊非也一統志錫縣故城在興安州白河縣東方輿紀要錫義山在鄖陽府西北百八十里

子駒之門 山東通志魯郭門北面三門最西爲子駒門周首之北門 山東通志周首亭在泰安府東阿縣東北十二年經楚人罔巢 一統志居巢故城在廬州府巢縣東北五里

戰于河曲 水道提綱黃河又西南逕同州府朝邑縣新

市鎮東其東岸蒲州城也又南至華陰縣東北自歸化城西河折而南行至此計二千五百餘里大河至此始折而東流蒲州當大河西南及南三面故曰河曲

城諸及郛 漢志琅邪郡有諸縣又東莞縣孟康曰故郛

邑水經注京相璠曰琅邪故幕縣南四十里負亭故魯郛邑非也郡國志東莞有郛亭今在闕城東北四十里猶謂之故東莞城山東通志諸邑在青州府諸城縣西南三十里石屋山東北濰河之南郛亭城在沂州府沂水縣東北四十里十三州記云魯有東西二郛昭公所居爲西郛在

東平莒魯所爭者爲東鄆卽此縣是也

傳取羈馬 元和志羈馬故城在同州郃陽縣東北二十
六里寰宇記在蒲州河東縣城南三十六里按在蒲州府
南者是也

年十三經會公子渠 水經注華水東逕渠城北卽北林亭

也

傳處瑕以守桃林之塞 續志河東解縣有瑕城劉昭引
前年入瑕傳又于猗氏縣下引此年詹嘉處瑕傳云在縣
東北皆非也水經注河水又東菑水注之西北逕曲沃縣

城南春秋文公十三年晉侯使詹嘉守桃林之塞處此以
備秦時以曲沃之官守之故曲沃之名遂爲積古之傳按
僖三十年傳許君焦瑕杜預亦云河外五城之二邑史記
魏世家襄王五年秦圍我焦曲沃汲郡紀年惠王後六年
秦歸我焦曲沃傳以焦瑕變稱而後此以焦曲沃變稱則
曲沃卽瑕之變名皆在弘農陝縣于晉爲河外而解與猗
氏之瑕非秦所侵及詹嘉所處明矣杜預注此橫分瑕與
桃林爲二處顯然違傳苟令賜采邑于晉傳又何云處瑕
乎元和志桃林塞自陝州靈寶縣以西至潼關皆是也一

統志曲沃城在陝州西南四十二里

遷于繹 水經注嶧山在鄒縣北繹邑之所依以爲名也

山東通志邾國在兗州府鄒縣西南周武王封祝融之裔
挾于邾卽此也邾城在縣東南二十五里邾文公所遷城
周二十餘里在嶧山之陽寰宇記所云上冠峯巒下囑谿
壑窮制國之勝景者也俗誤爲紀王城

十四年經同盟于新城 水經注堆水又逕新城北卽宋之
新城亭也方輿紀要新城在歸德府城南

十六年經盟于鄆 續志宋公國周名鄆 漢改爲新鄆

章帝徙宋公于此江南通志新郢城在潁州東八里有土阜屹然高大謂之郢城築築以爲當在東阿縣境者泥于杜預齊地之言也

傳師于大林

御覽

七十五

伍端休江陵記曰城西北六十

里有林春秋師于大林卽此築纂云荊門州西北有長林城

訾枝

史記蜀伐楚取茲方正義云古今地名荊州松滋

縣古鴈茲地卽茲方按訾枝當是荊州府枝江縣

率百濮

濮卽樊也爾雅釋地南至于濮鉛周書王會解

伊尹爲四方令曰正南百濮通典

邊防

諸濮之域皆出楷

矢周書王會卜人丹砂注云卜人西南之蠻丹砂所出今

按卜人蓋濮人也其文有尾濮木綿濮文面濮折腰濮赤

口濮黑契濮

至于阜山

一統志阜山在鄖陽府房縣南一百五十里

阪高

蓋卽當陽之長阪也輿地紀勝長阪在荊門軍當

陽縣東北二十里

及庸方城

元和志方城山在房州竹山縣東南三十里

頂上平坦四面險固山南有城周十餘里一統志方城亭

在鄖陽府竹山縣東南方城山上庸故城在縣東南四十里本庸國

魚人 方輿紀要魚復故城在夔州府奉節縣城東五里子貝自仞 一統志貓兒關在宜昌府興山縣西北百里山路險峻可達鄖襄又縣東北二十里有箬葉塢塢長四十里路徑險隘行者聚眾乃入亦出鄖襄間之間道也又八里荒在縣東百里路出鄖陽府保康縣界兩邑間林木深暗路徑卑溼

十七 傳晉侯蒐于黃父 方輿紀要烏嶺在澤州沁水縣

西北四十里卽黃父杜預曰一名黑壤宇文周諱黑改爲
烏嶺與平陽府翼城縣接界

敗戎于邲垂服云邲垂在高都南水經注邲垂亭在高
都城南七里遺基存焉一統志今在洛陽縣南

宣公

年元經于平州一統志平州城在泰安府萊蕪縣西通志
云今縣東北六十里有故城名文字縣疑卽其址也
于棐林一統志棐城在鄭州東南方輿紀要林鄉城在
開封府新鄭縣東二十五里春秋之棐林

侵崇 詩地理攷通典崇國在京兆府鄠縣帝王世紀鯨封崇伯國在豐鄠之間周有崇國晉趙穿侵崇長安志甘亭在鄠縣西南五里殷爲崇國

僊遇于北林 水經注林亭南去新鄭縣故城四十許里以南有林鄉亭故杜預據是爲北林

年二經戰于大棘 續志陳留已吾縣有大棘鄉水經注引陳留風俗傳曰大棘鄉故安平縣也土人敦蠶易以統制其地爲楚所并方輿紀要大棘城在歸德府甯陵縣西南七十里

傳遂自陰地 方輿紀要陰地城在河南府盧氏縣東北
從臺上彈人 元和志晉靈公臺在絳州正平縣西北三
十一里

田于首山舍于翳桑 水經注雷首山北去蒲坂三十里
一統志雷首山在蒲州府永濟縣南四十五里哺飢坂在
絳州北六里卽食翳桑餓人處

年傳及鄉 鄉卽廩延今滑縣水經注廩延邑下有延津
定鼎于郊廓 續志河南縣東城門名鼎門唐六典東都
城南面三門中曰定鼎韓愈送鄭十校理序定鼎門外一

統志邾鄆在洛陽縣西

年四經平莒及邾一統志故邾國在沂州府邾城縣西南

二十里與江南邾州接界通志邾故城在今縣北廢城

傳轅陽而殺之水經注濞水北出大義山南至厲鄉西

又南逕隨縣注安陸也一統志濞水在德安府隨州東北

魏志賈逵傳屯潞口蓋其處也又有潞河一統志源出南

陽府西馬峙坪南流至新野縣界合湍水紀要潞河在南

陽府鎮平縣東四十里以下文烝野論之此南陽潞河也

遂處烝野此卽南陽府之新野縣方輿紀要新野南至

襄陽府一百十里

師于漳潞

水經注水出臨沮縣東荆山

今爲鄖陽府房縣之景山在縣

南稍西百三十里

東南過蓼亭又東過章鄉南方輿紀要漳水在

安陸府當陽縣東北四十里自南漳縣流入境東南流經
麥城又南合于沮水水道提綱大江東至荊州府治江陵
縣西南境之澠口北北岸有沮河漳河北自古麥城合而
南流注之

戰于泉澍

水經注河水東逕葛山北下水出之隈云漢

女昔遊處也張衡南都賦曰遊女弄珠於漢皋之曲漢皋

卽萬山之異名也名勝志萬山在襄陽府城西十里

娶于邾

前志江夏雲杜縣應劭曰昔敖娶于邾今邾亭

是也一統志漢雲杜故城在安陸府沔陽州西北

沔陽州今屬漢

陽鄖城今德安府安陸縣治邾鄖同

夢中

元利志雲夢澤在安州安陸縣南五十里左傳邾

子之女棄于夢中無雲字云楚子濟江入雲中無夢字以

此推之則雲夢二澤本是別矣水道提綱雲夢跨江南北

蓋八九百里今自枝江而東爲松滋東南爲公安又東南

爲石首爲華容濱江南岸多數澤卽古所謂江南之夢也

江南之夢皆首受江水支津成渠瀦爲澤南入洞庭北復入江

六傳閭懷及邢丘水經注引韓詩外傳曰武王伐紂到

邢丘更名曰懷一統志平皋故城在懷慶府溫縣東卽古邢丘也

七經伐萊元和志故黃城在登州黃縣東南二十五里

古萊子國齊乘萊子城地名龍門居山峽間鑿石通道極

爲險隘俗名萊子關通志萊子城在縣東南二十里

傳取向陰之禾蓋西河茲氏縣地方輿紀要向陽水在

汾州府西三十里一名懸泉水源出向陽峽下流合于原

上水今澗

年八經至黃乃復 山東通志黃城在東昌府冠縣南括地
志冠氏南有黃城今有南黃城邨杜預云大夫受命而出
雖死以尸將事遂以疾還非禮也按以尸將事者至彼國
而死則有以柩造朝若未通命不幸有疾將瀕于死與其
廢命失辭不如還而擇堪其使者于公私兩得也君之視
臣如腹心豈要其死而猶不相捨哉

城平陽 漢志泰山郡有東平陽縣晉志作新泰水經注
云河東有平陽故此加東晉武帝元康元年改爲新泰縣

元和志晉武帝泰始中鎮南將軍羊祜此縣人也表改爲
新泰縣與水經注言元康者異一統志平陽故城在泰安
府新泰縣西北然此所城未知其爲南平陽東平陽也南
平陽在兗州府鄒縣西

傳及滑汭 彙纂云滑水當在今江南廬州府東境按傳

云盟吳越蓋今之丹陽湖元和志丹陽湖在溧陽縣西南

二十八里與當塗縣今屬太平府分中流爲界

九經取根牟 一統志根牟城在沂州府沂水縣南

十傳逐楚師于潁北 彙纂云水經注潁水又逕陽翟縣

故城北陽翟今禹州潁北當在禹州之北按水道提綱潁水經禹州城北又東南分爲二派一東北流經新鄭縣南界折而東南此潁北者在新鄭縣之北也

十一年經盟于辰陵水經注洧水東南逕辰亭東今此城在長平城西北長平城在東南杜氏之謬一統志辰亭在陳州府淮甯縣西六十里

于攢兩 卽攢茅之邑

傳城沂 彙纂云當在汝甯府真陽縣境吳志孫討逆傳劉勳乃投西塞至沂通鑑作流沂一統志黃石城在武昌

府武昌縣東二十里一名流沂壘

謂之夏州 楚策蘇秦說楚王曰東有夏州海陽裴駰史

記集解車肩

字武子晉書有傳

撰桓温集云夏口城上數里有夏

州謂此也一統志夏州在漢陽府漢陽縣北

年十二

經戰于邲

水經注扈亭水自亭東南流于濟濟水

于此又兼邲目春秋楚軍于邲卽是水也音卞

釋文作京扶必反

相璠曰在敖北元和志邲城在鄭州管城縣東六里按管

城縣明初自爲鄭州治

盟于清丘

水經注瓠瀆又東南逕清丘北京相璠曰在

今東郡濮陽縣東南三十里一統志清丘山在曹州府濮澤縣西南三十五里清丘在大名府開州東南七十里紀要云丘高五尺唐置清丘縣

傳次于管水經注不家清水自梅山北溪東北流逕管城西故管國也一統志管城故城今鄭州治

敖部之間元和志敖山在鄭州滎澤西十五里春秋時晉師救鄭在敖部之間河陰縣志敖山沿河入境約二里許峯巒特起兩岸壁立中僅容輪踈蓋懷河之門戶也告唐惠侯前志南陽春陵縣有上唐鄉故唐國一統志

故唐國在德安府隨州西北九十五里唐侯國

遂次于衡雍 韓非子莊王既勝狩于河雍卽衡雍也釋

水水自河出爲澮邵晉涵爾雅正義楚莊之河雍是蕢蕩

渠初出之澮也水經注河水又東逕卷縣北晉軍爭濟楚

告河卽是處也方輿紀要黃河在開封府原武縣北二十

二里楚莊所次晉軍爭濟皆是處也按原武往日在河南

明天順中河自武涉徙入原武而原武遂在河北黃河南

去縣二十里今屬懷慶府

遂傳于蕭 傳肉薄圍之也墨子備蛾傳篇禽子曰敢問

敵人強弱遂以傳城後上先斷以爲法程斬城爲基掘下
爲室前止不止畢木改後射既疾爲之奈何此傳城之事
也蛾同螳孫子謀攻將不勝其忿而蟻附之

晉井而拯之元利志晉井在徐州蕭縣北二百步方言
出休爲拊

十四傳蒲胥之市御覽一百一郡國志郢城內有市名蒲

胥故南蠻校尉府一也一統志在荊州府江陵縣北郢城

內

見晏桓子山東通志晏城在齊河縣西北二十五里晏

嬰采邑

年十五經赤狄潞氏 注云潞氏國此用公羊州不若國國

不若氏之語疏謂其俗尙赤衣白衣故有赤白非也赤狄
白狄猶紀年之赤夷白夷今之花苗紅苗黑獾獾白獾獾
各是其種類耳一統志潞縣故城在潞安府潞城縣東北
傳敗赤狄于曲梁 一統志曲梁故城今廣平府永平縣
治按劉昭注引上黨記曰曲梁在潞城西十里今名石梁
然曲梁當近潞城若廣平之曲梁在山東去潞遠矣元和
志斷梁城在潞州銅鞮縣東北三十里下臨深壑東西北

三面阻澗廣袤二里俗謂之斷梁城紀要斷梁城在沁州

東北

當作南

疑卽此曲梁也

次于輔氏

一統志輔氏城在同州朝邑縣西北十三里

治兵于稷

水經注汾水又逕稷山山東西二十里南北

三十里西去介山十五里山上有稷祠下有稷亭春秋晉
侯治兵于稷是也方輿紀要稷神山在絳州稷山縣南五
十里

立黎侯而還

一統志黎侯城在潞安府長治縣西南紀

要在黎城縣東北十八里

及雒 史記秦本紀魏築長城自鄆濱洛方輿紀要洛水
在同州朝邑縣南宣十五年晉侯及雒謂此按漢經師改
洛爲雒也

十六經及留吁 一統志純留故城在今潞安府屯留縣

南春秋赤狄留吁邑

十七經于斷道 傳云盟于卷楚斷道卷楚一地也方輿

紀要卷城在開封府原武縣西北七里

傳于野王 方輿紀要野王城今懷慶府河內縣治

十八傳有蜀之役 一統志蜀亭今在泰安府泰安縣西

春秋左氏傳地名補注卷第五終